

A Ang katawhan sa Israel.

❖ Ang panginahanglanon sa pagtuman. Deuteronomio 28:2.

- Nagpahimutang ang Dios og tin-aw kaayo nga mga kondisyones sa dihang misulod ang Israel sa Yutang Sinaad:
 - (1) Pagtuman sa Dios → Dagaya nga kinabuhi ug kalinaw (Deuteronomio 28:1-14).
 - (2) Dili Pagtuman → Gubat ug mga kasamok (Deuteronomio 28:15-68).
- Bisan pa sa paglapas-lapas sa Israel, ang Dios kanunay nag-uban kanila. Siya nagpadalag mga manalagna sa pagtawag kanila sa paghinulsol tungod kay Siya naghigugma sa Iyang katawhan (Jeremias 3:14-15; 31:3).
- Buot sa Dios nga magsangkap og kauswagan, panaghiusa ug maayong panlawas sa Iyang katawhan. Takus Siya sa pagbuhat sa ingon kon kita magkinabuhi diha sa pagtoo ug pagtuman.

❖ Pagbuhat bisan unsay akong pagbuot. Mga Maghuhukom 21:25.

- Ang katawhan sa Israel misunod sa ilang mga kinaugalingon yutan-ang mga kagustohan ug misupak sa balaod sa Dios. Sila nakahimog duha ka seryosong kasaypanan:
 - (1) Sila nag-alagad og laing mga diosdios (Maghuhukom 2:11-13).
 - (2) Sila nakigminyog mga taga-Canaan (Maghuhukom 3:5-7).
- Sila nangahas sa pagbiya sa mapanalipdong kalasag sa Dios. Ang Israel nag-antus og mga gubat ug mangil-ad nga kasal-anan ingon nga usa resulta niadto nga mga desisyon.
- Ang pagbuhat kon unsay atong gusto adunay ngilngig nga mga sangpotanan. Himoon nato ang lig-on nga desisyon sa pagbuhat sa kabubut-on sa Dios gikan karon.

❖ Ang panginahanglanon sa kaalam. 1 Hari 12:16.

- Si Roboam, anak ni Solomon, nangitag kaalam sa sayop nga dapit. Wala niya pamatii ang mga hangyo sa iyang katawhan ug siya walay kalooy ug mabangis.
- Ang Biblia nagaawhag kanato sa pagbaton og kaalam, ug pakahadlok sa Dios maoy sinugdanan sa kaalam (Proverbio 4:7;9:10). Gikinahanglan lang nato ang pagpangayo niini (Santiago 1:5).

B Ang Cristianong Iglesia.

❖ Pabor-pabor. 1 Corinto 1:10.

- Adunay panagbahin-bahin sa Iglesia didto sa Corinto: pipila nanag-ingon nga sila dapig ni Apolo, ang uban kang Pablo, ang uban kang Cefas ug ang uban kang Cristo.
- Ang kasingkasing sa panaghiusa mao si Cristo. Siya maoy panag-ingnan ug kinahanglan kita magtutok kaniya. Sa dihan tanan kita magtutok didto sa krus, kita mahiusa sa mao ra ng katuyoan.

❖ Kinaugalingon interes. Buhat 20:29.

- Nagpasidaan si Pablo sa Iglesia mahitungod sa katawhan nga maoy hinungdan sa panagbahinbahin aron lang nga makakuhag bentaha sa Iglesia.
- Anaay maayong tambag diha sa 2 timoteo 2:14-19 ug 3:12-17 aron sa paglikay nga mahisalaag:
 - (1) Tun-i ang Biblia, sabta kini ug itudlo kini.
 - (2) Likayi ang walay hinungdan ug maot nga mga topiko. Pakigsulti mahitungod sa kamatuoran.
 - (3) Tumana ang Dios.